

Junie
2011

	Telefoon	Faks
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Uur Beheerkamer Brandweer	028 313 8000/8111 028 312 2400	

Bulletin

Amptelike nuusbrieff van Munisipaliteit Overstrand

• BEKOSTIGBAAR, MAAR MAAK WERK VAN AGTERSTANDE

BEGROTING GOED GEBALANSEER

Met 'n gekombineerde begroting van R942 miljoen – R728 miljoen vir bedryfsbesteding en R214m vir kapitaalprojekte – het Munisipaliteit Overstrand sy spiere gebult om gedurende 2011/12 dienslewering aan en die lewensgehalte van sy inwoners te verbeter, sonder om die spreekwoordelike arm en been in ruil te vra.

Die gemiddelde verhoging in eiendomsbelasting vir 2011/12 is op 5 persent op residensiële en 8 persent op sake-eiendomme vasgestel. Soos in die verlede, sal vrystellings en kortings van toepassing wees op residensiële eiendomme om die armes se las te verlig. Daar is ook kortings wat van toepassing is op verblyfplekke, sake-ondernemings en landbou-eiendomme ten einde ekonomiese ontwikkeling te ondersteun.

Met die uitsondering van elektrisiteitsverbruik, sal die verhoging vir water, riolerings, vullisverwydering en die basiese diensgehalte vir elektrisiteit tot 8 persent beperk word. Die koste vir elektrisiteitsverbruik sal met 20,4 persent styg terwyl Eskom se koste aan die munisipaliteit met 26,7 persent gaan styg. Die armes kan 'n mate van verligting te wagte wees aangesien 'n trapsgewys stygende blok-tariefstruktuur ingevoer is soos voorgeskryf deur NERSA.

Die 2011/12-begroting is egter nie eenparig deur die Raad aanvaar nie en lede van die ANC en die National People's Party het hul teenstand daarteen aange-teken.

Burgemeester Nicolette Botha-Guthrie het in haar begrotingsrede gesê dat dit tydens die proses 'n uitdaging was om 'n

balans te vind tussen bekostigbaarheid en die behoefte om werk te maak van die agterstand in munisipale infrastruktuur.

Sy het gesê Overstrand is grootliks 'n aftreestreek, en baie van ons area se inwoners maak op pensioene en die opbrengste op hul beleggings staat om kop bo water te hou. Die verhogings in die eiendomsbelasting en tariewe wat binne die Raad se beheer val, is op die laagste moontlike vlak gehou terwyl die Raad, aan die bestedingskant, met die uitsondering van drie nuwe poste, nie vir groei ten opsigte van menslike hulpbronne begroot het nie. Dit beteken meer druk op die personeelkomponent om produktiwiteit te verhoog en 'n groot uitdaging vir bestuurders om te sorg dat dit gebeur.


As 'n tradisionele vakansie- en aftreegebied, is Munisipaliteit Overstrand se infrastruktuur nie ontwikkel om aan die eise te voldoen van die baie digter bewoonde gebied wat dit vandag is nie. Die agterstand word op R2,4 miljard geraam, en die munisipaliteit het 'n 25-jaar-opgraderingsprogram aangepak wat kapitaalprojekte van tussen R100 tot R200 miljoen per jaar verg. Besparings op bedryfsbesteding is nodig ten einde meer geld vanuit ons eie bronne vir infrastruktuurprojekte beskikbaar te stel.

Ondanks die feit dat die begrotingsproses weens die munisipale verkiesings met 'n maand vervroeg is, het die Burgemeester gesê dat 'n deeglike en omvattende proses gevolg is, veral die mate waartoe daar gesorg is dat die gebied se inwoners hul stemme kon laat hoor. Dit is vermag met behulp van die vykskomi-

2011/12 INKOMSTEBEGROTING VOLGENS DIE VERNAAMSTE BRONNE VAN INKOMSTE

BRONNE VAN INKOMSTE IN RAND

1	Eiendomsbelasting	134 817 680
2	Elektrisiteit	223 307 350
3	Water	91 524 454
4	Sanitasie	59 777 146
5	Vullisverwydering	40 389 000
6	Bedryfshulpoekennings	49 691 000
7	Kapitaal hulpoekennings	41 271 000
8	Ander inkomste	50 442 470
TOTAAL		691 220 100



2011/12 BEDRYFSBEGROTING VOLGENS HOOFUITGAWE-KATEGORIEË IN RAND

HOOFUITGAWE KATEGORIEË	2010/11	2011/12	% TOENAME	% TOTAAL
Salarisse & Lone	184 831 700	196 737 483	6.1%	27.0%
Algemene Uitgawes	308 581 675	304 045 522	-1.5%	41.7%
Grootmaat Elektrisiteit aankope	103 276 380	129 763 420	20.4%	17.8%
Herstel & Onderhoud	62 926 440	65 220 050	3.5%	9.0%
Kapitaalkoste	22 645 440	32 665 170	30.7%	4.5%
TOTAAL	682 261 653	728 431 645	6.3%	100%

tees en die proses van openbare deelname nadat die konsepbegroting vir openbare kommentaar beskikbaar gestel is.

"Hierdie finale produk wat vandag hier voorgelê word, is na my mening ten volle

toerekenbaar en hopelik vir almal deursigtig. Ons het die beste belange van al ons belastingbetalers in ons gedagte gehou en ek glo ons lê aan julle 'n ware volksbegroting voor," het rdl Botha-Guthrie gesê.

BEGROTINGSTEKORT RAAK NIE KONTANTPOSISIE NIE

Alhoewel die 2011/2012-bedryfsbegroting 'n tekort van R37 miljoen tussen inkomste en uitgawes aantoon, is dit geensins 'n ware aanduiding van die munisipaliteit se kontantposisie nie.

In die opstelling van sy begroting, slaan Munisipaliteit Overstrand grootliks ag op die Nasionale Tesourie se riglyne en die voorskrifte vervat in die Wet op Munisipale Finansiële Bestuur. Voorts

is hierdie proses onderworpe aan die implementering van, ingeslote die wysigings aan, Algemeen Aanvaarde Rekeningkundige Praktike (GRAP), waar veral laasgenoemde aanmerklike wysigings aan die aanbidding, inhoud en formaat van die begroting tot gevolg het.

Derhalwe is dit belangrik om daarop te let dat die tekort wat in die begroting weerspieël word sy ontstaan te danke

het aan die implementering van bogenoemde praktike in soverre hierdie praktike van toepassing is op Eiendom, Aanleg en Toerusting aangesien die voorgaande nou teen kosprys minus afskrywings gereflekteer moet word oftewel teen gedeprešieerde vervangingskoste.

Gevolglik weerspieël munisipale bates 'n toename van meer as R5 miljard wat gelyklopende waardevermindering ge-

grond op hierdie verhoogde waarde tot gevolg het. Uiteraard is dit nie moontlik om hierdie tekort met behulp van heersende tariewe uit te wis nie aangesien dit daartoe sal lei dat behoeftes voortydig belas word. Voorts mag geen reserwes vir hierdie doeleindes opgesit word nie.

Ten tye van die bepaling van tariewe is hierdie faktore in berekening gebring.

VOLHOUBAARHEID EN FINANSIËLE LEWENSVATBAARHEID VERSEKER

Die 2011/12-begroting is op so 'n manier opgestel dat die volhoubaarheid van dienslewering en die finansiële lewensvatbaarheid van die munisipaliteit verseker word.

Vir 2011/12 beloop die begroting vir bedryfsbesteding R728 miljoen. Vergeleke met die huidige aangepaste begroting verteenwoordig dit 'n verhoging van slegs 6,3 persent, heelwat laer as verlede jaar se verhoging van 22,8 persent.

Aspekte wat in hierdie begroting uitgelig kan word, sluit in:

Salarisse en Lone: Die salarissbegroting beloop R189 miljoen wat 27 persent van die begroting vir bedryfsbesteding uitmaak. Daar is vir 'n verhoging van 6,08% op werknemers se salarisse en raadslede se vergoeding begroot, maar aangesien die inflasiekoers tans laer is as die vlak waarvoor in die nasionaal onderhandelde drie-jaar-loonooreenkomste voorsiening gemaak is, is onderhandelings heropen en is dit moontlik dat hierdie syfers steeds kan verander. Min of meer dieselfde kan gesê word sover dit raadslede se vergoeding betref waar laasgenoemde deur die Minister van Samewerkende Regering en Tradisionele Sake bepaal word.

Diverse Uitgawes en Herstel en Instandhouding: Die verhoging in hierdie uitgawes kan toegeskryf word aan versoeke vir verhoogde dienslewering, maar Eskom se tariefaanpassings, die voortdurend stygende koste van chemikalieë vir watersuiwering en die wisselvallige brandstofkoste het ook 'n groot invloed hierop. Eskom se verhoging, soos goedgekeur deur die Nasionale Elektrisiteitsreguleerder (NERSA), beloop 26,7% vir munisipaliteite. Die regstreekse styging word slegs vir eenheidsverbruik na munisipale verbruikers afgewentel en word gegrond op 'n trapsgewys stygende bloktariefstruktuur. Bydraes tot die (Hermanus) Sentrale Verbeteringsdistrik (bekend as HPP) en 'n toewysing van R2 800 000 vir die bestemmingbemarkingsorganisasie (Cape Whale Coast) word ook onder hierdie afdeling ingesluit. Cape Whale Coast bevorder toerisme ooreenkomstig 'n diensleweringsooreenkomst en is verantwoordelik vir vier toerismeburo's en feeste. Geen bykomende bedrae is vir gebeurlikhede begroot nie. Enige besparings wat tydens die boekjaar geïdentifiseer word, sal aan 'n gebeurlikheid toegewys en tydens die begrotingsaansuiweringsproses onder die loop geneem word.

Billike Deel (Lae-inkomste- en Deernissubsidie): Die begroting vir die lae-inkomstesubsidie van R25 miljoen vir 2011/12 befonds Munisipaliteit Overstrand se Deernisbeleid ten volle. Diegene wat vir hierdie program wil kwalifiseer, moet werkloos wees en/of 'n maatskaplike pensioen of inkomste per huishouding ontvang wat gelyk

is aan of minder as die bedrag van die vier maal die regering se maatskaplike pensioens. Hierdie program dek ook alle eienaar-bewoonde eiendomme met 'n belasbare waardasie van tot op R50 000.

Basiese Dienste (Projek vir die Bevordering van Plaaslike Arbeid): Projekte is op die kapitaal- en bedryfsbegroting geïdentifiseer om die beginsels van plaaslike arbeidsbevordering (LLP) tot uitvoer te bring. Ooreenkomstig hierdie program, word indiensnemingsgeleenthede aan werklose belastingbetalers gebied sodat hulle nie net 'n inkomste kan verdien nie maar ook 'n gedeelte van hul inkomste kan afstaan om enige skuld op munisipale rekeninge te delg. Hierdie projekte word oral in Overstrand onderneem en kan verband hou met stormwater, paaie of reinigingsprojekte.

Bydrae tot bedryfskapitaal maak voorsiening vir die afskryf van oninbare skuld. Dit is laer as die vorige jaar se begrotingsvlakke aangesien die aanname is dat die volle implementering van Overstrand se Deernisbeleid en die verhoging van die afsnypunt om as hulpbehoewend te kwalifiseer, die vlak van oninbare skuld sal verlaag. Bedryfskapitaal is steeds onder druk, en die invoering van verhoogde verbruikersdeposito's vir elektrisiteitsverbruikers wat nie van voorafbetaalde meters gebruik maak nie, mag in werking tree.

Kapitaalkoste hou verband met afbetalings op skuld en waardevermindering.

Bydraes tot voorsienings maak voorsiening vir die Raad se wetlike verpligtinge, soos die rehabilitasie van opvullingsterreine, die uitroei van uitheemse plantegroei op munisipale grond, na-aftredevoordele en langdiensboekings. Die waarde van die huidige verpligting word jaarliks bereken en bydraes word ooreenkomstig aangepas. Uitgawes wat verband hou met hierdie voorsienings word regstreeks teen die voorsiening afgeskryf.

Bydraes tot/vanaf Fondse en Reserwes (Aanwendings): Die implementering van GRAP het die rekeningkundige verwerking en aanbidding van Fondse en Reserwes verander.

- Die Kapitaalvervangingsreserwe, wat voorheen opbrengste uit die verkoop van bates gehuisves het om kapitaalprojekte te befonds, is by die opgelope oorskot geïnkorporeer, en die wins of verlies op die verkoop van bates sal in die Staat van Finansiële Prestasie weerspieël word.
- Die Selfversekeringsreserwe word nou binne die opgelope oorskot afgekamp. 'n Rigtinggewende verandering wat daarop gerig is om kleiner risiko's vanuit dié fonds te verseker, is tydens die vorige boekjaar geïmplementeer.

BRONNE VAN INKOMSTE

Die voorgestelde begrote inkomste vir 2011/12 is R640 249 000 (uitgeslote kapitale toekennings). Dit staan teenoor die aangesuiwerde inkomstebegroting van R584 660 000 in 2010/11 en verteenwoordig 'n verhoging van 9,5%.

Die beginsel wat tariefverhogings beheer, hou verband met 'n basislyn algemene verhoging van 5% vir residensiële eiendomsbelasting, 8% vir verbruikersdiensle en 8% vir sake-eiendomsbelasting. Dit sluit elektrisiteit uit, soos elders in hierdie verslag verduidelik.

'n Beperkte nulbasis-begrotingsproses is aanvaar ten opsigte van die bedryfsbegroting. Bykomende inisiatiewe is van stapel gestuur om ondersoek in te stel na bestaande inkomstebronne asook, ondermeer, die koste verbonde aan die lewering van sekere dienste soos riolering (tenkwa-dienste), die koste verbonde aan die voorsiening van drinkbare water en beperkingsmaatreëls verwant aan watergebruik, die gebruik van konsultante om debiteure se data na te gaan, skoon te maak en te verifieer en die kontraktering van skuldinvorderingsagente op 'n prestasiegrondslag.

Inkomste uit Eiendomsbelasting

Die gemiddelde verhoging in eiendomsbelasting vir 2011/12 is op 5% op residensiële en 8% op sake-eiendomme vasgestel.

Vir residensiële eiendomme word die eerste R15 000 van die markwaarde van 'n eiendom kragtens klousule 17(1)(b) van die Wet op Munisipale Eiendomsbelasting (MPRA) en die volgende R35 000 kragtens klousule 12(a)(ii) van die Eiendomsbelastingbeleid van Munisipaliteit Overstrand vrygestel. 'n Verdere residensiële korting van 20% op eiendomsbelasting word toegestaan waar 'n residensiële voltuoiingsertifikaat, soos bepaal in klousule 12(a)(iii) van die Eiendomsbelastingsbeleid van Munisipaliteit Overstrand, uitgereik is.

Die Raad se Eiendomsbelastingbeleid maak ook voorsiening vir ander kortings vir inwoners en sake-ondernemings. Dit sluit pensioentrekkers, gastehuse en B&O's in asook residensiële, sake- en landbou-eiendomme wat buite die tradisionele stedelike gebiede val, onder-

worpe aan sekere voorwaardes.

Inkomste uit Tariefdienste

Die tariewe vir water, riolering en vullisverwydering is ooreenkomstig die koste vir die lewering van die onderskeie dienste bepaal met 'n gemiddelde verhoging van 8%.

Elektrisiteit: Die aanmerklike verhoging van 26,7% vir die aankoop van elektrisiteit vanaf Eskom hou 'n verreikende negatiewe impak in vir verbruikers en die lewering van dienste in 'n ekonomie wat besig is om van 'n resessie te herstel.

Hierdie verhoging bly buite die beheer van die munisipaliteit aangesien dit by ontvangs van 'n aansoek om 'n prysverhoging vanaf Eskom onder beheer van die Nasionale Elektrisiteitsreguleerder (NERSA) staan. Aangesien die munisipaliteit nie hierdie verhogings kan absorbeer nie, is slegs die regstreekse prysstyging vir verbruik teen 20,4% na die verbruiker afgewentel. Die tariefstruktuur is verder aangepas om aan NERSA se voorgeskrewe trapsgewys-stygende bloktariefstruktuur te voldoen.

Water: Die volhoubare voorsiening van drinkbare water word 'n al hoe feller uitdaging. Hierdie skaars kommoditeit moet optimaal bestuur word. Om hierdie rede het die raad besluit om ontsoute water tot 'n beperkte mate in grootmaat aan te koop. Die verhoging in die prys van elektrisiteit en chemikalieë vir suiwering het tot die koste vir die lewering van hierdie diens bygedra. Die bloktarief vir watergebruik is rondom 'n basiese bekostigbare tarief vir tot op 30 kl per huishouding per maand gestruktureer.

Beperkende tariewe is tydens die vorige boekjaar vir buitensporige waterverbruik ingevoer asook om onderverhaling te vereffen. Namate die kultuur van waterverbruikbewaring vanaf verbruikers deursypel, sal die laer vlak van die bloktarief harsien moet word om die verhalingskoste vir watervoorsiening te balanseer.

Riolering: 'n Gelykmaking van tariewe vir alle eiendomme in die stedelike gebiede is ingevoer. Hierdie gelykmaking sal oor 'n tydperk van twee jaar ingefaseer word



waarvolgens al die vermelde eiendomme 'n eenvormige basiese tarief sal betaal. Die bekendstelling van volumetriese gebruik sal ooreenkomstig watergebruik met maksimum limiete bepaal en ooreenkomstig gedebiteer word.

PAD VORENTOE

Die Raad se oogmerk om verhogings in eiendomsbelasting en tariewe bekostigbaar en volhoubaar te hou, gaan oor die mediumtermyn die volgende strategiese beplanningsmaatreëls noodsaak:

- Alle dienste moet harsien word ten einde te bepaal of hierdie dienste "kernbesigheid" is en of hierdie dienste óf 'n lae prioriteit óf nie-statutêr van aard is.
- Daar moet tussen die Raad en die gemeenskap ooreengekom word oor die diensvlakke waarna die munisipaliteit sal streef en wat deur hom bekostig kan word en hierdie vlakke moet bekendgemaak word.
- Alternatiewe maniere om dienste te lewer, moet aktief ondersoek word. Verdere sakeproses-regeneringsoorsigte moet onderneem word om tegelyk doelmatiger en kostedoeltreffender maniere van dienslewering te identifiseer.
- Behuisingsprojekte het 'n impak op bedryf- en kapitaalbegrotings. Die voordele/bydrae/aanspreeklikheid verbonde aan hierdie projekte sover dit plaaslike ekonomiese ontwikkeling betref, moet ook ondersoek word.

HUPSTOOTJIE VIR INFRASTRUKTUURONTWIKKELING

Die voorgestelde kapitaalbegroting vir 2011/12 beloop R214 miljoen, 'n verhoging van 28 persent op die 2010/11 aangesuiwerde begroting.


Die Raad-befondsde gedeelte hiervan beloop R159 miljoen, wat befonds sal word met 'n eksterne lening van R50 miljoen, kontant uit grondverkope wat na verwagting R36 miljoen sal bedra, kontant ten bedrae van R10 miljoen en 'n afgekampte eksterne lening van R63 miljoen vir vernoue infrastruktuur.

Hierdie gelde sal hoofsaaklik gebruik word om ons program vir die opgradering van water-, elektrisiteit- en rioleringsinfrastruktuur teen 'n koste van R130 miljoen voort te sit. Aansienlike bedrae sal ook aan paaie en sport- en ontspanningsfasiliteite asook die verbetering van raadseiendomme bestee word.

Die 13 wyke van die nuwe raad sal weer eens R500 000 elk vir hul wyk-spesifieke behoeftes ontvang wat op 'n totaal van R6,5 miljoen neerkom.

Die tabel hierneffens lys die groot projekte wat in 2011/12 onderneem gaan word.

OPSOMMING VAN 2011/12 KAPITAALPROJEKTE




KAPITAALPROJEKTE VOLGENS DIENS IN RAND

1 Korporatief	15 905 000	8 Paaie	14 969 982
2 Eiendomsdienste	13 060 000	9 Elektrisiteit	37 505 000
3 Gemeenskapsgeboue	1 450 000	10 Water	59 432 526
4 Sport en Ontspanning	14 186 778	11 Riolerings	29 463 521
5 Openbare Veiligheid	790 000	12 Stormwater	7 568 193
6 Behuising	12 250 000	13 Vaste Afvalbestuur	1 690 000
7 Ekonomiese Ontwikkeling	5 700 000	TOTAAL	213 971 000

TOP TIEN PROJEKTE

	R
Preekstoel Watersuiweringsaanleg	35 852 526
Hermanus Rioleringsaanleg	25 258 521
Hermanus 66kVA Substasie	15 000 000
Vervanging van waterpypleidings	12 000 000
Opgradering van Zwelihle sokkervelde	9 000 000
Nanofiltrasiaanleg by Klipgat & Grotte	6 430 000
Plaaslike Ekonomiese Ontwikkelingsprojekte	5 700 000
Grootmaatsdienste vir Kleinmond-ontwikkeling	5 300 000
Stanfordbehuisingprojek (Prov. Kapitaaltoekenning)	5 000 000
Hermanus parallelle pad (Fase 1)	4 500 000

BEFONDSING VAN KAPITAALPROJEKTE



	R
1 Owerheidstoekenings	41 271 000
2 Publieke bydraes	9 700 000
3 Lenings	117 000 000
4 Interne Fondse	46 000 000
TOTAAL	213 971 000

GOP SLEUTEL TOT MUNISIPALE LEWE

Die laaste hersiening van die huidige Geïntegreerde Ontwikkelingsplan (2007 – 2012) is deur die Raad aanvaar en sal die weg baan vir die Overstrand Munisipaliteit se beplanningsbedrywighede gedurende die volgende finansiële jaar, terwyl 'n nuwe konsepplan vir die vyfjaar-siklus van 2012 tot 2017 opgestel sal word.

In haar voorwoord tot die GOP sê Burgemeester Nicolette Botha-Guthrie dat oor die afgelope klompie jare het Raadslede en munisipale amptenare eweseer geleer om bewus te wees van en waarde te heg aan die GOP as die sleutel tot die lewe van 'n munisipaliteit. Die plan het strategiese rigting aangedui en die gemeenskap, Raad en munisipale amptenare gelei in hul pogings om die lewensgehalte en omgewing in Overstrand te verbeter, ten spyte van beperkte hulpbronne.

"Ná die Mei 2011 munisipale verkiesing sal amptenare in samewerking met die nuwe Raad en gemeenskapstrukture 'n heel nuwe konsepplan opstel, maar danksy die suksesse wat met die huidige plan bereik is, weet hulle hoe belangrik dié plan is en dat ons as Overstrandse selfs 'n beter produk in die toekoms verwag," het sy gesê.

Munisipale Bestuurder Werner Zybrands het bygevoeg dat die GOP 'n weerspieëling is van die vasgestelde behoeftes van die gemeenskap en die plan sal noodwendig voortgaan om die tot nog toe onbereikte behoeftes uit te lig. Dit sal die geval wees ongeag die

politieke uitslag van die verkiesing. Die enigste verskil kan wees hoe en in welke volgorde daardie behoeftes aangespreek sal word.

Volgens mnr. Zybrands moet die GOP as vernaamste strategiese beplanningsdokument nie net strategieë identifiseer en in volgorde van belangrikheid plaas nie, maar – dalk van selfs groter betekenis – fokus op die inwerkingstelling van daardie strategieë. Voorts kan strategieë bes moontlik deur megatendense beïnvloed word, bv. aardverhitting en die gevolge daarvan op die omgewing, groeiende werkloosheid en armoede, onbetroubare energie- en onvoldoende watertoevoer, omgewingswetgewing, verstedeliking, gebrek aan vaardighede en tallose ander tendense.

"Om 'n nuwe GOP-roete in te slaan, is voorwaar 'n uitdagende taak," het hy gesê. "In die tussentyd is die harsiene GOP 'n weerspieëling van die oue met belovende aanduidings van die nuwe. Groot klem word reeds gelê op die inwerkingstelling van die GOP en om 'n direkter skakel te bewerkstellig met twee uitloeiings daarvan, te wete die gevolglike begroting en 'n prestasiebestuurstelsel. Die gaping tussen goeie beplanning en doeltreffende lewering word progressief verklein."

Hy het die Omdraaistrategie wat nou by die GOP ingeskakel is, as voorbeeld genoem van 'n strategie waarvan die vrugte reeds gepluk word. Meer klem word gelê op die verbetering van daardie sleuteluitloeiings wat werklik 'n verskil maak.

STEM VIR WYKSKOMITEELEDE

Die munisipale verkiesing op 18 Mei het gekom en gegaan, maar wat nou voorlê, is net so belangrik, naamlik om te stem vir dié lede wat jy wil hê in jou wykskomitee vir die volgende 5 jaar moet dien.

Wykskomitees vergader maandeliks in elk van Overstrand se 13 afsonderlike wyke onder voorsitterskap van die nuut verkose wyksraadslid en dien as amptelike skakel tussen jou buurt en die munisipaliteit.

Die wykskomitees lewer insette tot die Geïntegreerde Ontwikkelingsplan, bepaal begrotingsprioriteite en adviseer die raadslid oor die hantering van munisipale aangeleenthede.

Soos voorheen mag net geregistreerde kiesers stem vir die kandidate van hul keuse – hou die lampalle en die pers dop vir wanneer dié stembag in jou wyk aanbreek.



WATTER VERHOOGING OM OP JOU MUNISIPALE REKENING TE VERWAG

MANDJIE VAN TARIEWE - ENKEL RESIDENSIEEL - 2009/10

HOË VERBRUIK		BEDRAG	%
Eiendomsbelasting	Totale mun. waardasie: R3,5m	36.8	5.16
Riool	R70 + heffing op 70% van waterverbruik	26.96	8.11
Afval	Twee keer per week	8.78	8.14
Elektrisiteit	1500 kWh	490.29	41.39
Water	50 kl	46.98	8.39
Infrastruktuurheffing		26.51	176.26
BTW		83.93	27.25
REKENING SAL STYG MET		720.25	22.36

MEDIUM VERBRUIK		BEDRAG	%
Eiendomsbelasting	Totale mun. waardasie: R3,5m	26.13	5.16
Riool	R70 + heffing op 70% van waterverbruik	16.29	8.09
Afval	Twee keer per week	8.78	8.14
Elektrisiteit	800 kWh	178.72	25.6
Water	25 kl	17.28	8.48
Infrastruktuurheffing		26.51	176.26
BTW		34.66	20.19
REKENING SAL STYG MET		308.37	16.2

LAE VERBRUIK		BEDRAG	%
Eiendomsbelasting	Totale mun. waardasie: R1m	10.13	5.16
Riool	R70 + heffing op 70% van waterverbruik	12.02	8.08
Afval	Twee keer per week	8.78	8.14
Elektrisiteit	600 kWh	89.7	16.05
Water	15 kl	11.88	8.55
Infrastruktuurheffing		26.51	176.26
BTW		20.84	15.35
REKENING SAL STYG MET		179.86	13.82

SUBEKONOMIESE VERBRUIK		BEDRAG	%
Eiendomsbelasting	Totale mun. waardasie: R50 000	0	0
Riool	R70 + heffing op 70% van waterverbruik	-29.79	-56.75
Afval	Twee keer per week	0	0
Elektrisiteit	350 kWh	8.79	3.61
Water	10 kl	2.16	8.33
Infrastruktuurheffing		26.51	176.26
BTW		1.07	2.28
REKENING SAL STYG MET		8.74	2.28

MANDJIE VAN TARIEWE - ONONTWIKKELDE PERSEEL - 2011/12

WAARDASIE: GEMIDDELD		BEDRAG	%
Eiendomsbelasting	Totale mun. waardasie: R250 000	3.13	5.16
Riool	Beskikbaarheid	11.93	8
Afval	Beskikbaarheid	3.51	7.55
Elektrisiteit	Beskikbaarheid	9.64	6.78
Water	Beskikbaarheid	7.02	8.7
Infrastruktuurheffing		26.51	176.26
BTW		8.21	13.52
REKENING SAL STYG MET		69.95	12.61

MANDJIE VAN TARIEWE - BESIGHEID - 2011/12

MEDIUM		BEDRAG	%
Eiendomsbelasting	Totale mun. waardasie: R3,2m	96	5.16
Riool	R70 + heffing op 90% van waterverbruik	27.57	8
Afval		15.78	7.55
Elektrisiteit	7 000 kWh	1458.44	6.78
Water	460 kl	36.72	8.7
Infrastruktuurheffing		26.51	176.26
BTW		219.1	13.52
REKENING SAL STYG MET		1880.12	12.61

NIE INGESLUIT NIE: HPP-HEFFING WAT 10% VAN EIENDOMSBELASTING IN DIE TERSAAKLIKE AREA BELOOP

JEUGDAGVIERINGE OP WOENSDAG 15 JUNIE 2011

Jeugdag, die Internasionale Jaar van Woude en 'n algehele maansverduistering gaan op 15 Junie 2011 vir 'n unieke geleentheid sorg.

Die Overstrand Bewaringstigting – nou herneem na die Whale Coast-stigting – organiseer 'n Jeugdagfees en piekniek in samewerking met die Kuspaadjiebestuursgroep vir hierdie aand wat op die melkhouwoud by Piet-se-Bos gaan fokus.

Die Jeugdagvieringe sal die vorm van 'n "Towerwoud" met 'n 'skattejag' by flitslig vir kinders aanneem. Maak asseblief seker dat jou piekniekmandjie 'n flits vir hierdie doel bevat. (Die piekniek is weens gure weer in April uitgestel.)

Op 15 Junie gaan daar ook 'n algehele maansverduistering wees. Die Hermanus Astronomie-sentrum sal byderhand wees om maansverduisterings aan die hand van skyfies te verduidelik, en

feesgangers sal ook in staat wees om die astronomiese teleskope te gebruik om die verduistering in fabelagtige detail te aanskou.

En wie weet watse grieselrige gedrogte dalk hul opwagting in die woud maak wanneer die maan donker is? Alhoewel daar kampvure gaan wees om die koue af te weer, versoek ons die jongelinge, en dié jonk van gees, om hulle warm toe te wikkell in wonderlik vreemde uitrustings om nog meer pret aan die geleentheid te verleen.

Daag om 18:00 op met jou piekniekmandjie, malvalekkers om te rooster, stoele, flitse en verkykers en dos jou uit in warm klere. Daar sal kampvure, wandelings en bangmaakgoeters in die "towerwoud" en 'n orkes en koor wees asook hope pret wanneer die maan donker word! TOEGANG IS GRATIS.

LISZT EN NOGMAALS LISZT



Op Sondag, 26 Junie om 15:30 gaan OAK 'n konsert in die Munisipale Auditorium in Hermanus aanbied wat net uit werke van Liszt sal bestaan. John Ntsepe word deur kritici as een van Suid-Afrika se uitmuntendste jong pianiste bestempel en is sonder twyfel die voorste jong Swart klassieke pianis in die land. Hy was die eerste Swart Suid-Afrikaner om 'n B.Mus.-graad (Uitvoerende Kunste) aan die Universiteit van Pretoria (en dit met lof) te verwerf en het ook in 2008 sy M.Mus. aan hierdie universiteit behaal. Tans deurloop hy 'n nagraadse uitvoerende diploma aan die South African College of Music (Universiteit van Kaapstad) onder leiding van die alombekende Suid-Afrikaanse pianis François du Toit en is ook deur Ella Fourie, tans woonagtig in Overstrand, onderrig. **Bespreek by BELLINI by 028 312 4988. Skakel René du Plooy by 082 940 4238 vir enige ander navrae.**

